

**KANTON SARAJEVO
MINISTARSTVO KULTURE I SPORTA
JAVNA USTANOVA "KAMERNI TEATAR 55 SARAJEVO"**

**PRAVILNIK
o načinu prodaje i cijenama ulaznica
(prečišćen tekst)**

Sarajevo, decembar 2023. godina

Na osnovu člana 27. stav 1. alineja 6. Zakona o radu ("Sl. List RBiH", broj: 6/92, 8/93 i 13/94) i člana 37. Pravila Javne ustanove "Kamerni teatar 55 Sarajevo" (broj: (broj: 10-UO/08 od 04.09.2008. godine, 10-UO/12 od 29.03.2012. godine, 39-UO/13 od 21.10.2013. godine, 127-UO/19 od 13.11.2019. godine i 91/23 od 18.01.2023. godine), Upravni odbor na 26. sjednici održanoj dana 13.12.2023. godine, donio je prečišćen tekst

PRAVILNIK
o načinu prodaje i cijenama ulaznica

I OPŠTE ODREDBE

Član 1.
(Predmet Pravilnika)

Pravilnikom o načinu prodaje i cijenama ulaznica (u daljem tekstu: Pravilnik) utvrđuje se visina cijena ulaznica za predstave Javne ustanove "Kamerni teatar 55 Sarajevo" (u daljem tekstu: Teatar), popust na cijenu ulaznica, kriterij za dodjelu besplatnih ulaznica i pozivnica za premijerne i reprizne predstave Teatra.

II ODREDBE O PRODAJI ULAZNICA I CIJENAMA

Član 2.
(Način prodaje ulaznica)

- (1) Štampanje ulaznica za Teatar, po osnovu Ugovora o poslovnoj saradnji vrši firma EP2 Media.
- (2) Svaka ulaznica sadrži serijski broj i utisnut logo firma EP2 Media i Kamernog teatra 55.
- (3) Prodaja ulaznica se vrši na blagajni Teatra.

Član 3.
(Cijena ulaznica)

- (1) Cijena ulaznica za predstave se utvrđuje u iznosu kako slijedi u tabelarnom pregledu:

	Program	Cijena (KM)
1.	Premijere predstava	30,00
2.	Reprizne predstave	15,00
3.	Organizovane predstave za srednje škole i studente	10,00
4.	Studentske karte (uz index)	10,00
5.	Karte za penzionere (uz ček od penzije) i lica koja su na birou	7,00

6.	Gostujuće predstave, Festival Dani "Jurislava Korenića" i Festival "Ruta"	20,00
----	---	-------

Član 4.
(Izuzeci u cijenama ulaznica i popusta)

- (1) Direktor Teatra pojedinačnom odlukom može cijenu ulaznica utvrditi na drugačiji način (veću cijenu), a u zavisnosti od produkcijske i tehničke kompleksnosti izvođenja predstave.
- (2) Ukoliko je izvođenje predstava na repertoaru Teatra humanitarnog karaktera, direktor može donijeti odluku da se sav prihod ostvaren od prodatih ulaznica preusmjeri za realizaciju humanitarne akcije.
- (3) Teatar zadržava pravo da za gostovanja, za koja ocijeni da postoji veliki interes publike, ne odobri grupne posjete i popuste, ili da direktor Teatra donese odluku o povećanju cijena, što će se jasno navesti pri utvrđivanju mjesečnog repertoara.
- (4) Popusti za marketinške agencije sa kojima Teatar sarađuje po pitanju distribucije ulaznica za predstava u okviru repertoara će se utvrditi posebnim ugovorom o saradnji.

III ODREDBE O KRITERIJIMA DODJELE BESPLATNIH ULAZNICA

Član 5.
(Besplatne ulaznice)

- (1) Određeni broj ulaznica iz bloka ulaznica može se dijeliti besplatno.
- (2) Besplatne ulaznice za socijalno ugrožene kategorije stanovništva, za nagradne igre medijskih pokrovitelja i za premijere (po pozivnicama) utvrđuju se po potrebi i posebnom odlukom direktora Teatra.

Član 6.
(Broj besplatnih ulaznica)

- (1) Broj besplatnih ulaznica za premijere, otvaranje i zatvaranje festivala (Festival Dani "Jurislava Korenića" i Festival "Ruta") i izvođenje jubilarnih predstava utvrđivat će se, po potrebi na osnovu posebne odluke direktora.
- (2) Ukupan broj besplatnih ulaznica u pravilu iznosi do 10% od ukupnog broja ulaznica za predstave repriznog repertoara.

Član 7.
(Dodatni broj besplatnih ulaznica)

O potrebi i razlozima za dodjelu dodatnog broja besplatnih ulaznica odluku donosi direktor Teatra.

Član 8.
(Kategorije za besplatne ulaznice)

Besplatne ulaznice se mogu dodijeliti u sljedećim slučajevima:

- osobama sa pozivnicama Teatra,
- radnicima Teatra,
- spoljnim saradnicima,
- autorima – učesnicima premijernih predstava,
- učenicima osnovnih i srednjih škola,
- studentima akademija i fakulteta,
- medijskim i poslovnim partnerima,
- u drugim slučajevima kada je to u interesu Teatra.

IV ODREDBE O POZIVNICAMA I ULAZNICAMA ZA PREMIJERNE PREDSTAVE

Član 9.
(Pozivnice)

(1) Za premijerne predstave Teatra uobičajeno je da se šalju pozivnice i na osnovu potvrđenog odgovora izdvajaju se po 2 (dvije) besplatne ulaznice za svaku pozivnicu.

(2) Protokolarna lista zvanica kojima će se uputiti pozivnice i dodijeliti besplatne ulaznice utvrđuje se za svaku premijernu predstavu, a odluku donosi direktor Teatra.

(3) Direktor Teatra može izuzetno odlučiti da se za pojedine predstave dodjeljuju samo pozivnice bez ulaznica.

Član 10.
(Broj besplatnih ulaznica)

Broj besplatnih ulaznica za premijere, otvaranje i zatvaranje festivala (Festival Dani "Jurislava Korenića" i Festival "Ruta") i izvođenje jubilarnih predstava utvrđivat će se, po potrebi na osnovu posebne odluke direktora.

V ODREDBE O PRODAJI ULAZNICA LICIMA SA POSEBNIM POTREBAMA

Član 11.
(Mjesta pristupačna za gluhe i slabovidne osobe, kao i osobe u kolicima)

(1) Ovim Pravilnikom utvrđuju se sjedišta koja su preporučena za gluhe i slabovidne osobe, kao i osobe u kolicima.

(2) Mjesta pristupačna za gluhe i slabovidne osobe, kao i osobe u kolicima nalaze se u I redu.

VI PONIŠTAVANJE NEPRODATIH ULAZNICA

Član 12. (Poništavanje ulaznica)

- (1) Ulaznice koje se ne prodaju, predaju se uz dnevni izvještaj u računovodstvo.
- (2) Neprodane ulaznice se uništavaju svakog zadnjeg dana u kvartalu.
- (3) Uništavanje ulaznica vrši Komisija, koju imenuje direktor Teatra na godišnjem nivou, o čemu će se sačiniti zapisnik.

VII PRELAZNE I ZAVRŠNE ODREDBE

Član 13. (Broj pozivnica i besplatnih ulaznica)

Tumačenje ovog Pravilnika daje Upravni odbor Teatra.

Član 14. (Postupak izmjena i dopuna)

Izmjene i dopune ovog Pravilnika vrše se na način i po postupku propisanim za njegovo donošenje.

Član 15. (Stupanje na snagu)

- (1) Ovaj Pravilnik stupa na snagu danom donošenja od strane Upravnog odbora Javne ustanove "Kamerni teatar 55 Sarajevo", a primjenjivaće se od 01.01.2024. godine.
- (2) Stupanjem na snagu ovog Pravilnika prestaje da važe sve ranije donesene odluke direktora koje se odnose na način utvrđivanja cijena ulaznica za predstave Teatra, popust na cijenu ulaznica, kriterij za dodjelu besplatnih ulaznica i pozivnica za premijerne i reprizne predstave Teatra.

Broj: 2663/23

Sarajevo, 13.12.2023. godine



Predsjednik Upravnog odbora

Bosna i Hercegovina
Federacija Bosne i Hercegovine
Kanton Sarajevo
Javna ustanova "Kamerni teatar 55"
UPRAVNI ODBOR
Broj: /23
Sarajevo, 13.12.2023. godine

Na osnovu člana 37. Pravila Javne ustanove "Kamerni teatar 55 Sarajevo", (broj: 10-UO/08 od 04.09.2008. godine, 10-UO/12 od 29.03.2012. godine, 39-UO/13 od 21.10.2013. godine, 127-UO/19 od 13.11.2019. godine i 91/23 od 18.01.2023. godine), Upravni odbor je na 26. sjednici održanoj dana 13.12.2023. godine, donio

ODLUKU

Član 1.

Utvrđuje se prečišćen tekst Pravilnika o načinu prodaje i cijenama ulaznica.

Član 2.

Prečišćen tekst Pravilnika o načinu prodaje i cijenama ulaznica obuhvata: Pravilnik o načinu prodaje i cijenama ulaznica, broj: 837/23 od 26.04.2023. godine i Pravilnik o izmjenama i dopunama Pravilnika o načinu prodaje i cijenama ulaznica, broj: 2663 /23 od 13.12.2023. godine.

Član 3.

Danom stupanja na snagu ovog Pravilnika prestaje primjena Pravilnika o načinu prodaje i cijenama ulaznica, broj: 837/23 i 2661 /23.

Član 4.


Pravilnik će se objaviti na web stranici Javne ustanove "Kamerni teatar 55", oglasnoj ploči Javne ustanove "Kamerni teatar 55" i u "Službenim novinama Kantona Sarajevo", a primjenjivat će se od 01.01.2024. godine.

DOSTAVLJENO:

- web stranici
- Ministarstvu kulture i sporta
- na oglasnu ploču
- a/a



PREDSJEDNIK


Adis Bakrac

KAMERNI TEATAR 55
SARAJEVO
Broj protokola: 2662
Datum, 15.12.2023.